


TRUTH  
CENTERED  
TRANSFORMATION

MODULE



# OMWONYO KANDI OMUSHANA AKATABO K'OMWEEGI

# Eishomo 1: Emigane Eshatu Migufu






**Ekyanga 1.** Omu kyaró kyaitu, kuhabeire haagira owarwaara, omufumu akaba aija abashaba kuhonga enyamaishwa kugira ngu batunge obuhabuzi hamwe n’emibazi. Abaikiriza omu kanisa kubayegyeire eby’amagara omu puroguramu ya TCT, baatandika kukozeza amashomo agu bayegyeire omu kwetambira endwara za butoosha hamwe na bataahi baabo. Abantu boona omu kyaró bareeba ngu abantu ababeire nibakuratira okuhabura kwaabo bakaaba nibakira batabandize bahonga enyamaishwa. Hati ekyaró kyoona nikigyezaho kwerinda n’okujanjaaba endwara omu mwanya gw’okuhonga ebitambo. Eki nikituma babiika esente kandi kibarinda beine amagara marungi! Nikireebeka ngu okuhereza Ruhanga nikureetera abaikiriza amagara marungi. Nikireetera n’amagara g’abandi nago gaaba marungi!





**Ekyanga 2** Omu kyaró kyaitu, abantu ku babeire baija kushaarura omusiri, mukama w’omusiri akaba nashabwa kureeta eby’okubya baingi, soda nari amaarwa ahabw’abo abaija kumuhwera. Obumwe omuhendo gw’eki kukaba guza ahaiguru kukira amagoba agari omumusiri gwe! Ahanyima y’okweega kukora Ebikorwa bya Rukundo, abaikiriza omu kyanga eki, basharamu kuguma nibahwera omu misiri y’abooro hatariho kushashurwa. Abantu baatangaara kureeba ngu abaikiriza tibarikuhwerana bonka kureka nibahwera n’abandi aheeru y’ekanisa. Ahonaho abandi bantu b’omukyaro bareeba ekibabeire nibakora nabo barekyeraho kushaba eby’okurya n’eby’okunywa. Hati buri muntu omu kyaró naakunda kukora omu musiri gwa mugenzi we hatariho kushashurwa. Boona nibereetera eby’okurya kandi bakora hamwe. Ekirikuzarukamu, nimbaasa kutunga amagooba na batahi bangye nikwe! Hati okushaarura n’obwiire obu ekyaró kirikuba kitegyereize n’ekihika omu mwanya gw’okwerarikirira, kandi nitubaasa kugabirira amaka gaitu kuruga omu magoba gaitu! Ninyebuuza ahabw’enki ekanisa yashaziremu kuhwera n’abantu abatari baikiriza? Shana ninyija kubabuuza.....

**Ekyanga 3** Ekyaró kyaitu kikoze Ebikorwa bya Rukundo nka ekicweka kimwe aha magara gaitu aga burizooba. Nitukora Ebikorwa bya Rukundo buri wiiki. Omu mazima, eki kibeire ekya buriiho omu magara gaitu kugira ngu hati, omuntu weena yareeba ekyetengo, nibaija kureka eki baaba nibakora bagyezeho kumaraho ekizibu. Haba harimu amabaare nari kasasiro omumuhanda, nibemerera okubihamu. Ekirugiremu, ekyaró kyoona kihindikire kuruga ahari kimwe aha byaaro ebirofa, ekitakurakureine omu kyanga kuba ekiyonjo kandi ekikurakureine. Hati tubaasize n’okwombeka ekanisa eboneire kuruga omu kukora n’amaani hamwe n’okuhwerana! Empinduka nereebwa bury’omwe orikuraba omu kyaró eki. Kandi nikihurirwa n’omu muringo ogu abantu b’omukyaro barikutwazanamu. Buri muntu weena omu kyaró ashemereirwe kandi nasiima ngu abantu b’ekanisa bakabakunda munonga kuboreka omuhanda murungi gw’okuturamu amagara gaabo.










- Ekanisa ekakora ki omuri buri mugane?
- Ekanisa zikareeba zita emigisha ya Ruhanga?
- Ni mpinduuka ki ezabeireho omukyaanga?
- Abantu b’omukyaro bakagarukamu bata?
- Nitubaasa tuta kweyongyera kuba nk’ezi kanisa?

## Eishomo 4: Entambwe z'okusingura Ekibi










ENTAMBWE	EKISHUSHANI	EKYAHANDIKIRWE
OIHEHO EKIBI		
1.Omanyekibi		<b>Zaaburi 139: 23–24,</b> <i>‘Oncaakye, ai Ruhanga,omanye omutima gwangye; Ongyeze omanyekibiteekateeko byangye;Oreebe omuriinye ku haraabe harimu emitwarize yoonamibi’Haza onyebembere omumuhanda ogw’ebiro n’ebiro.</i>
2. Oyaature ekibi kandi Osaasirwe		<b>Yohaana 1:9</b> <i>‘ku twatura ekibi byaitu,niwe w’okwesigwa kandi ohikirire kutusaasira ekibi n’okutwozyaho eby’okutahikirira byona.’</i>
3. Oyeteise kandi oyeheyo		<b>Yobu 31:1</b> <i>‘Nkaragaana endagaano n’amaisho gangye;mbwenu nimbaasa nta kureeba omwishiki nkamwetenga?’</i>
OKUGARURA BUSYA ENTEEKATEEKA YAITU		
4.Shaba Burizooba		<b>Abarooma 7:19–20:</b> <i>‘Ekirungi eki nkunda kukora tikyo nkora;kureka ekibi eki nyanga nikyo nkora. N’ahabw’ekyo ku ndaabe nkora eki ntenda,tiinye nkikora kureka ekibi ekintuuramu..’</i>  <b>Matayo 26:41</b> <i>“Mureebe kandi mushabe kugira ngumutakaagwa omukwohibwa.”</i>
5. Okutegyeka ebiteekateeko byaitu		<b>Abarooma 12:2:</b> <i>“Kandi mutashushanisibwa n’ab’obusingye obu,kureka muhindurwe basya ahabw’okugarurwa obusya omubiteekateeko byanyu,mubone kumanya gye ebi Ruhanga akunda ,oku biri birungi,ebirikusimwa,kandi ebihikire buzima.”</i>  <b>Abakolosai 3:2</b> <i>“Mute omutima ahaby’omwiguru,murekye eby’omu nsi.”</i>  <b>2 Abakorinso10:5:</b> <i>“nitumaraho tutyo empaka n’ekintu kyona ekirikwetunguura kurwanisa okumanya Ruhanga,kandi nitugomoora ekiteekateko kyona,ngu kyorobere Kristo .”</i>

		<b>Abafilipi 4:8:</b> <i>'Eky'ahamuheru abeishemwe, byona eby'amazima,byona ebishemereire kuheebwa ekitinisa, byona eby'oburyo, byona ebishemeire, byona ebirikushemeza, byona ebirikusimwa,--ku haraabe hariho ebishemereire kuhimbisibwa-- mube nibyo mwateekateekaho"</i>
6. Okwaate ebyahandikirwe omu mutwe		<b>Zaaburi 119:11</b> <i>" Ekigambo kyawe nkibiikire omu mutima gwangye, ngu ndekye kukucumuraho."</i>
<b>OKUTA EKIRUNGI OMU MWANYA GW'EKIBI</b>		
7. Hunga okwohibwa		<b>Yakobo 4:7</b> <i>" Mworobere Ruhanga,murwanise sitane, nawe aryabahunga."</i>  <b>1 Abakorinso 10:13:</b> <i>' Tihariho kigyezo ekirababaireho ekitari ky'abantu boona. Konka Ruhanga n'ow'okwesigwa; taribaikiriza kugyezibwa kigyezo eki mutarikubaasa; kureka aryabateeraho oburyo bw'okuhunga,ngu mubaase kukigumisiririza."</i>
8. Okuze Emicwe Misya		<b>Colossians 3:1-16</b> <i>"...Ahakuba mukajuura omuntu owa ira n'emitwarize ye,mwajwara omuntu,ohindurwa busya obutoosha omu bwengye kushushanisibwa n'Owamuhangire."</i>
9. Embariira		<b>Ecclesiastes 4:9-10</b> <i>" Ababiri nibakira omwe;ahabw'okuba baheebwa ebihmbo birungi ahabw'okufa kubi kwabo: Ahakuba ku bagwa,omwe aimutsya mugyenzi we; konka ogwa ari omwe wenka, akabura kiimutsya,areeba enaku."</i>

# Eishomo 5: Okusingura Ekibi

ENTAMBWE	EKISHUSHANI	EKIBI
OIHEHO EKIBI		
1.Omanyekibi		Ekiniga
2. Oyaature ekibi kandi Osaasirwe		Ninyatura ku ni..... Ninkushaba onsaasire ahabwa.....
3. Oyeteise kandi oyeheyo		Titindikwenda kugirira ekinigaabanyehinguririze. Ninyenda kubatwaza gye n'embabazi hamwe n'esaasi. OIHEHO EKIBI
OKUGARURA BUSYA EBITEEKATEEKO BYAITU		
4. Oshabe Burizooba		Ninyetenga obuhwezi kugira ngu.....
5. Okurinda Ebiteekateeko		Ku ndi kugira ekiniga, nimba niteekateeka ahari _____. Kureka, ninyenda kwijuka ngu akoreka okugumisiriza omu mwanya gw'ekiniga ari ku _____.
6.Okwaate ebyahandikirwe omu mutwe		Enfumu15:18 "orahuka kubakirwa aimutysa entongana,Otarahuka kugira ekiniga acureeza empakal."
OKUTA EKIRUNGI OMU MWANYA GW'EKIBI		
4. Oshabe Burizooba		Naatandika kuhurira ndi kugira ekiniga, ninyija kuruga omu mbeera egyo kuhitsya obu ndateebekane.
5. Okurinda Ebiteekateeko		Naatandika kuhurira ndi kugira ekiniga, ninyija kutambura edakiika 5 nshabe Ruhanga kumpwera kutwaza nk'oku arikwenda ngu ntwaaze.
6. Okwaate Ebyahandikirwe omu mutwe		Ninyiija kubugana na (John) buri wiiki kubagana naawe oku ndi kandi n'okuteekateeka oku nabeire nshemereire kutwaza omubwiire obu naagira ekiniga.

Ekibi kya buriijo: \_\_\_\_\_

ENTAMBWE	EKISHUSHANI	EKIBI
OIHEHO EKIBI		
1. Omanyekibi		
2. Oyaturekandi Osaasirwe		
3.Oyeteise		
OKUGARURA BUSYA EBITEEKATEEKO		
4. Oshabe Burizooba		
5. Okurinda Ebiteekateeko		
6. . Okwaate Ebyahandikirwe omu mutwe		
OKUTA EKIRUNGI OMU MWANYA GW'EKIBI		
7.Hunga Okwohibwa		
8.Okuze Emicwe Mitsya		
9. Ohe embarira		

# Eishomo 7 & 8: Entambwe z'okuteebekanisa Ebikorwa bya Rukundo

- 1. Mubugane obutoosha**– Nk'ekanisa, nimwetenga kuba nimubugana obutoosha kureeba aha bikorwa bya Rukundo kugira ngu abantu batahugira omu bindi reero bakabyebwa. Mugyzeho kubugana nk'omurundi gumwe omu kwezi ahabw'okushaba, kuhaana ebiteekateko aha bikorwa bya Rukundo,kandi n'okukora entebekanisa.
- 2. Mushabe hamwe**– N'okurabira omu maani ga Ruhanga gonka hamwe n'obwengye bwe kugira ngu nitubaasa kureetaho empinduka omu kyanga kyaitu. N'omurimo gutarikubaasika twaaba tutamwine,konka yaaba arinaitwe nitubaasa kureetaho empinduka omu mazima.Otaryeebwa omugasho gw'okushaba; otakabeihwabeihwa kuteekateeka ngu ebikorwa byaitu byonka nibimara hatariho kushaba!
- 3. Mushujume ebyetengo kandi mushabe** –Buri muntu ashemereire kwija omurukiiko ayetekateekire kugamba aha byetengo ebibehinguririze. Waaba noraaba omu eizooba ryaawe ryona, oshemereire kuba noreeba ebintu ebirikwetengwa kukorwaho nari abantu abarikwetenga obuhwezi. Omurukiiko,muhaane ebiteekateeko ahabyetengo ebirikwetengwa kukorwaho. Mushabe hamwe kugira ngu Ruhanga aboreke eki mushemeire kukora kandi abaahwere kukora entebekanisa erije kumuretera ekitinisa.
- 4. Mukore entebekanisa kandi mushabe**– ( mugarukemu ekitabo 1 kyaaba nikyetengwa)
- 5. Mushabe reero mute omunkora** – Muteho ebiro n'eshaaha,muhandiike ebikozeso, ebikwaato hamwe n'abantu abarikwetengwa n'ebindi.
- 6. Mweshuujume kandi mushabe muri kusiima Ruhanga** – Mureebe empinduka ebireeho. Omu eishomo ry'okuhereza imbarira,nitwiija kweega oku turakore entambwe egi kandi n'eby'okushujuma.

## **Eishomo 9: Emiringo mushaanju y'okugaruramu amaani okuhereza**

1. Oyegyese aha mugasho gw'okuhereza
2. Ochangeho/oteho emigisha
3. Otabarutsye abantu kwenyigiramu
4. Ogaambe kandi osiime abantu
5. Ohamisirize omugasho
6. Mukore hamwe
7. Okikore ekirikushemeza

- Waaragyerizeho gumwe aha miringo egi? Ni kiiha ekikozeire? Ni kiiha ekitarakozeire gye?
- Ni byahandikirwe ki ebi turikubaasa kukozeza okwegyesa aha mugasho gw'okuhereza?
- Ni miringo ki emwe ei okozeise aha kugamba n'okusiima abantu? Nibiiha ebindi eby'orikubaasa kugyezaho?
- Okabaasa ota kwongyeraho okushemererwa? Ni miringo ki erikuretera okuhereza kwashemeza?



## Eishomo 9: Ekanisa Eri Kuhereza

Omuriisa James akaba naahurira asingirwe. Akaba naamanya ngu naayenda kutunga abantu b'okuhereza omu kanisa ye konka akaba atarikumanya oku araakikore. Munywani we akaba amuhaire esiimu y'omuriisa Moses kandi yaamugambira kumwehabuzaho. Yaterera omuriisa Moses reero ahanyima y'okuganiraho kakye, yaagambirwa ngu naayetenga kutaho embeera y'okuhereza omu kanisa ye. Omuriisa James yaamugambira ku atarikumanya eki embeera y'okuhereza erikumanyisa. *'Otatiina'*, omuriisa Moses yaamugarukamu, naanye nkaba ntarikumanya okuhitsya emyaaka mikye ehingweire. *Oije omu kushaba kwaitu reero nkwarekya ekindikumanyisa'.*

Omuriisa James yaabugana Omuriisa Moses ahamuryango. Akaahurira aruhukirwe kandi ashemereirwe kureeba ngu omuriisa Moses ayeteekateekire kumuhwera okukira kumwerekana ekanisa ye mpango.

Ku babeire nibataaha omu kanisa, omuriisa James yareeba ekipande kihango. Kihandikireho 'Oyenyigire omu Eizooba Ry'okuhereza'. Ahansi yaakyo hakaba hariho orunyiriri..... kandi nimwe abeishemwe, mutaariruha omukukora gye.—2 Abatesalonika 3:13.' Ahansi yaakyo, buri kweezi kukaba kwiine emisitaar 3. Omusitaari gw'okubanza gukaba guri ogw'ebikorwa bya Rukundo ebikozirwe omu kweezi okwo, ogwakabiri guri ogw'omubare gw'abantu abayambirwe, kandi orwakashatu guri ogw'omubare gw'abantu abenyigire omu kuhwera.

*'Eki n'enki? Omuriisa James yaabuza*

*'Twine eizooba ry'okuhereza buri kweezi, omuriisa Moses yaashoborora', Aha mazooba ago, nitugyezaho kutunga abantu baingi b'omukanisa barikuhereza omu muringo ogurikubaasika. Obutoosha nintabarusya abantu kwehandikiisa naaba nimbura, kandi abantu b'omukanisa nibatabarusya abandi burizooba kuganira. Bamwe nibahereza omukanisa barikuboneza emisiri nari kuteera erangi ekishengye. Abandi nibahereza omu kyanga barikuhunduuza enju nari barikuzaana n'abaana. Twine ebipande baingi omu kanisa ebirikwijusya abantu amazooba ago n'okubahwera kureeba ni bantu bangaahi abarikuhereza kandi ku tukiayetenga ngu naabo benyigiremu. Buri kweezi nituhandiika omubare gw'ebikorwa bya Rukundo ebikozirwe, abantu abayambirwe hamwe n'omubare gw'abantu abenyigiremu.'*

Omuriisa James ku yabeire nareeba omu kanisa, yareeba ngu n'amazima ---hakaba harimu ebipande baingi aha bisiika biri ebyahandiikirwe bitari bimwe. Aha kisiika ky'enyima hakaba hariho ebishushani baingi by'abantu barikuhereza . hariho ebishushani baingi by'abantu barikwenyigira omu mirimo etary'emwe.: okwombeka amaju, enguuto, okuboneza

ekanisan'okwegyesa abaana. Ahamutwe gw'ebishushani hariho ekihandiiko,' Reka twombeke obukama bwa Ruhanga hamwe.'

Omuriisa James yaatunga ah'okushutama obwo omuriisa Moses arikwetebekekanisa kutandiika savisi. Omuriisa James yareeba abantu baine Rukundo barikwakiira abandi ahamuryango kandi omukazi arikuhweza empumi n'abantu bakuru kutunga ah'okushutama n'okubahereza chai. Akahurira ayaakirwe omu kanisa kandi arikwebuuza yaaba yakubaasa kukora ekintu nk'eki omukanisa ye.

Savisi ku yaatandikire, eminyeeto yataho okuziina kandi abantu bayeshongora ebyeshongoro. Ku baherize kuramya, omuriisa Moses yaatabarusya ab'okuha obujurizi. Omukaikuru yaija omumaisho yabagana, ' Nkafeerwa omushiaija wangye kandi hati nindeberera mwijukuru wangye nyenka. Enju yangye ekaba eri kubi kandi erikutura munonga kandi mwijukuru wangye arikukora kubi omu eishomero.' Ahonaaho yaamwenya, hati ekanisa eizire yampwera erikunshakarira enju. N'eminyeeto emwe ekatabarusya mwijukuru wangye omu kwegyesibwa kandi taraagwe omwishomero. Ninsiima ekanisa ahabw'okumpwera . Mwebare mwena! Buri muntu weena akakwatwaho ahabw'obujurizi. Omuriisa Moses yaimuka yaashaba tiimu eyombekire enju y'omukaikuru na tiimu y'okwegyesa okwemerera. Ku babeire nibemerera, ekanisa yoona yaabaterera omu ngaro. Bareebeka bashemereirwe baagaruka bashutama. Omuriisa Moses yaashabira omukaikuru hamwe na tiimu omu bugufu—arikusiima Ruhanga ahabw'okukunda kwaabo kandi hamwe n'okubakozesa kandi arikushaba Ruhanga kugumizamu kubakozesa nk'ekanisa kumuretera ekitinisa kurabira omu bikorwa byaabo by'okuhereza. Reero omuriisa Moses yaijusya ekanisa ku eizooba ry'okuhereza ririkwija omu sande ebiri z'omumaisho. Yaabagambira ngu nibetenga ngu omubiri rwoona gukorere hamwe baaba bari ab'okwombeka obukama bwa Ruhanga. Yabaijusya ngu tihariho rugingo oruteine mugasho kandi nk'omubiri gw'omuntu, haaba hariho ebicweka ebitarikukora, omubiri niguba gutarikukora gye nk'oku kishemereire. Yabuuza abayehandikiise kugyezaho kureeba ngu baaashaba abandi kubegaitaho ah'eizooba ry'okuhereza.

Savisi ku yaabeire negumizamu, omuriisa yashujuuma byoona ebi yareeba n'ebi yaahurira. Kikaba ekirikutangaza ngu abantu b'ekanisa egi nibenyigira omu bikorwa bya Rukundo obutoosha? Bwanyima yaayetegyereza eki omuriisa Moses yaabeire naamanyisa obu yamugira ngu oine kwombekaho embeera y'okuhereza.

- Emiringo mushaanju y'okugaruramu amaani ejwekiirwe eta omu mugane ugu?
- Ni miringo ki ei orikubaasa kweega eyakubaasa kukora gye omu kanisa yaanyu?